

U cilju uspostavljanja međusobne saradnje u okviru svojih nadležnosti, prevencije i suzbijanja seksualnog i rodno zasnovanog nasilja u BiH, uključujući djela trgovine ljudima, poboljšanja podrške i zaštite, povećanja efikasnosti i transparentnosti, prikupljanja i analize relevantnih informacija u postupcima, unaprijeđenja odgovora u procesuiranju predmeta u nadležnosti sektora socijalne zaštite, te pomoći procesu izgradnje transparentnosti i povjerenja u rad sektora socijalne zaštite, Centar ženskih prava (u daljem tekstu: Centar) i JU Kantonalni centar za socijalni rad dana 27.02.2024. godine zaključili su

PROTOKOL O SARADNJI

Član 1.

Ovim Protokolom uspostavlja se saradnja između strana potpisnica u vezi sa

- Pružanjem besplatne pravne pomoći za žene žrtve nasilja u porodici i nasilja nad ženama
- Pružanjem besplatne pravne pomoći za žrtve i potencijalne žrtve trgovine ljudima korištenjem svih raspoloživih resursa Centra ženskih prava, posebno u dijelu osiguranja podrške i ostvarivanja prava na naknadu nematerijalne štete (priprema i podnošenje imovinsko-pravnog zahtjeva)
- Razmjenom informacija, koordinacijom aktivnosti i radnji na pružanju zaštite i podrške žrtvama i potencijalnim žrtvama trgovine ljudima u slučaju identifikacije
- Saradnje na poduzimanju drugih radnji u saradnji sa imenovanim starateljima i JU Kantonalni centar za socijalni rad kao organom starateljstva
- Utvrđivanjem, realizacijom i konstantnim unaprijeđenjem oblasti i praktičnih modela međusobne saradnje
- Organizovanjem i učešćem u programima edukacije, obuka, stručnih savjetovanja i razmjena, konferencija na teme koje se tiču aktualnih pitanja iz oblasti rodne ravnopravnosti i prevencije i zaštite žrtava i potencijalnih žrtava trgovine ljudima
- Razmjenom informacija, publikacija, literature i drugog naučnog i stručnog materijala
- Osiguravanju prostora za dijeljenje informativno-promotivnog materijala od značaja za upoznavanje sa pravima iz oblasti zaštite od nasilja, trgovine ljudima i socijalne zaštite
- Učešćem u programima razmjene kadrova i studijskih posjeta u cilju jačanja kapaciteta i sveukupnog unaprijeđenja pristupa za bolji položaj žena i drugih kategorija u sistemu socijalne zaštite
- Pripremom i realizacijom projekata u skladu sa misijom Centra ženskih prava i nadležnostima JU Centar za socijalni rad
- Realizacijom zajedničkih aktivnosti i korištenja raspoloživih resursa za provođenje istih.

Član 2.

Potpisnici Protokola obavezuju se da će sve aktivnosti tokom implementacije Protokola počivati na načelima nepristrasnosti, profesionalnosti i povjerljivosti.

Član 3.

Potpisnici Protokola su saglasni da se u svakom konkretnom slučaju korištenja potencijala za saradnju nastoje postići postavljeni ciljevi sa što manje administriranja i troškova, prikupljati i razmjenjivati podatke na što efikasniji način, a sve u cilju pružanja doprinosa unaprijeđenju posebno ranjivih skupina, žena žrtava nasilja i žrtava i potencijalnih žrtava trgovine ljudima

Član 4.

Protokol se zaključuje počev od dana njegovog potpisivanja od strane Centra i JU Kantonalni centar za socijalni rad i važi sve dok jedna od strana potpisnica ne izvijesti u pismenoj formi drugu stranu o svojoj odluci da otkazuje njegovo važenje.

Član 5.

Izmjene i dopune Protokola vrše se u formi pisanog aneksa.

Član 6.

Protokol o saradnji je potpisan u dva (2), od kojih svaka od strana potpisnica zadržava po jedan (1) primjerak.

za Centar ženskih prava

Meliha Sendić, predsjednica
Broj: 1-176/24

za JU Kantonalni centar za socijalni rad

Mahir Delić, dipl. pravnik
Broj: 31-01/01-530-624/24